

GALACIA 4:21-31

REVIEW...

- **GALACIA 1:1-2:21 - ANG MAAYONG BALITA SANG BUGAY- ANG MAS MAAYONG BALITA ...**
 - Ang mensahe sang maayong Balita - ang Bugay kag Pagheda-et paagi sa Krus ni Jesus...
 - Kay naluwas paagi sa Bugay - ngaa nga mag dependi pa sa kasuguaan agod lang nga mag tubo...
 - Ang kasuguan indi makabulig sa imo nga indi ka makasala - ginapakita lang sang kasuguan nga kita makasasala!
- **GALACIA 3:1-29 - ANG TINUTUYO SANG KASUGUAN...**
 - Ang bisan sin-o nga naga sunod sa Kasuguan/maayong buhat - ara sa idalum sang pagpakamala-ut - **Deuteronomio 27:26**
 - Ang Kasugu-an gin hatag agud ipahayag ang sala - ginapakita nga ga kinahanglan kita sang manluluwas - si Jesus...
 - Sa tion nga nabaton naton ang Bugay wala na kita ga kinanglan sang Kasugu-an!
- **GALACIA 4:1-20 - GINBATON BILANG MGA ANAK...**
 - 1st - Paagi sa Bugay nangin manunubli sa gin Harian sang aton nga Amay sa Langit...
 - Pareho sang isa ka bata nga manug panu-ble sang madamo nga manggad - wala sang kinalain sa alagad...
 - Ayhan masiling mo nga wala bili ang pagtu-o kay Jesus - pareho sang panulok sang kalibutan...
 - Pero kita may eternidad nga panubli-on nga naga hulat sa aton - manugpanubli pareho ni Kristo!
 - 2nd -ikaw isa na ka anak - gani indi na mag balik sa pag kagapos...
 - Nasiod kita anay sa relehiyon kag mga desparates tungod indi pa naton nakilala si Jesus...
 - Kita isa na ka anak sang Diyos - indi na mag balik sa daan nga kinaugali kag kalimtan si Kristo!
 - 3rd -sundon naton ang maayo nga Ehim-plo - nga naga tudlo sa imo kay Jesus...

NAGAPOS UKON HILWAY... (3 KABUTANG)

- **1ST - ISMAEL KAG ISAAC... VS. 21-23**
 - Si Pablo nag pamangkot sa taga Galacia - daw gusto ninyo mag pa idalum sa Kasuguan...
 - Ang mga taga Galacia naga haum nga ang Kasuguan mas labing maayo nga pilion sang sa Bugay...
 - Ang rason nga mahapos - kag maat-hag nga ila paga-sundon...
 - Gina hambalan sila kon - paano - kag diin mamalandong/ano suksukon/ kag paano mag hambal...
 - Naga paathag nga ang kristohanon nga pag tu-o paano ini tulukon o tan-awon...
 - Ang problema kay naga depende sa ila kaugalingon - kag ang Diyos waay labot...
 - Ina tanan kamatayon ang madala - hungkag nga Kristianismo - basiyo nga wala sang matuod nga pagkaluwas paagi sa pag tu-o....

- Ilaragway naton ang kinala-in - si Pablo nag hambal nga mag pamati sa ehimplo ni Abraham...
- o 1st - Ang anak sa unod - Ishmael...
- Ang Diyos nag saad kay Abraham sang kaliwat pareho sa kadamuon sang bitoo-on sa langit - **Genesis 15:4-5**
 - Si Abraham 85 anyos - kag wala siya gihapon sang anak - **Genesis 16:1-6**
 - Ang isa ka mabudlay nga butang amo ang pag hulat sa Diyos kon paano kita mag tubo kay Kristo...
 - Pag katapos nga kita maluwas - gusto naton nga wala na sang kasawayan sa aton kabuhi kag wala na sang pakigaway sa sala...
 - Kag kon matalupangdan mo nga tawo ka gihapon ayhan dismayado kita...
 - Makatalagam kon maanod kita pakadto sa legalismo nga manikasog kag ipilit ang pagpakamatarung...
 - Mahimo sang pagsulundan sa kabuhi para nga mangin bala-an - agud ma pa layo sa pagpakasala...
 - Nalimtan naton nga ang Ginoo nag saad nga siya lang maka himpit sa aton - Paagi sa iya nga Bugay kag sa iya nga tion...
 - Ang tion sang Diyos indi naton tion - wala niya kita gina bag-o sa isa lamang kaadlaw - **II Pedro 3:8-9...**
 - Gina panghunahuna naton nga ang paghulat sa Ginoo inuras - ukon ayhan simana...
 - Ang pag sunod kay Jesus naga kahulugan nga mangin mapailubon - halog sa buot nga mag hulat sa Ginoo - mag hulat sang bugay...
- Ang asawa ni Abraham - si Sarai -may alagad nga si Hagar taga Egypto...
 - May gutom sa sini nga lugar - kag si Abraham nag panaog pakadto sa Egypto (sa kalibutan)...
 - Gin hambal niya sa tanan nga si Sarai iya utod kag gin kuha siya pakadto sa balay ni Pharoah...
 - Tungod kay Sarai si Pharoah gin pakamaayo si Abram sang sulugu-on - kalakip si Hagar...
 - Si Abraham nag tu-o sa kalibutan sa tion nga nabudlayan tungod sang gutom...
 - Nag balik siya sa kalibutan tungod kay - Hagar - para buligan siya nga maka anak...
 - Nag pati sa legalismo - sa layi kag regulasyon - para mahimo nga maayo nga kristohanon...
 - Sa pag pati sa kaugalingon nga ikasarang / kag sa unod makahimo ayhan sa aton nga Diyosnon - kay sa pag tu-o sa Ginoo...
 - Amo ini ang sadsaran sang kada relehiyon sang KALIBUTAN...
 - Kon mangabudlay ka tudo - kon maayo ka na nagakaigo lang nga batonon ka sang Ginoo...
 - Kon mahimo man lang gali naton kaugalingon ta nga maayo - ang gin himo ni Jesus sa Krus mangin wala sang pulos...
 - **Galacia 2:21** - “Wala ko ginapakawalay pulos ang bugay sang Dios. Kay kon ang pagtuman sa Kasuguan amo ang paagi nga pakamatarungan sang Dios ang tawo, ti, wala sing pulos ang kamatayon ni Cristo.”
- Si Abram kag Sarai nakahibalo sang saad sang Diyos sa ila nga tagaan sila kabataan...

- Pero ayhan ang Diyos kinanglan bulig gamay - si Sarai gin hatag niya si Hagar nga mangin 2nd nga asawa...
- Nag bun-ag siya lalaki nga bata - ang iya ngalan si Ismael- (*ang Diyos nagapamati*)...
- Kag gina pinsar nila nga amo sini nga paagi ang sulusyon - pero ila ni kaugalingon nga solusyon - indi iya sang Diyos...
- Ang problema sa pag salig sa kaugalingon nga ikasarang - nagatuga kita sang kaugalingon nga Ismael sa ulihi...
- Sa baylo nga malubad ang problema – nag buhat pa kita sang isa pa gid ka problema...
- Bag-o naton nakilala si Jesus - makasasala kita - patay sa aton sala...
- Ang problema sang legalismo gina kombinser naton aton kaugalingon nga okay kita sa Ginoo...
- Naga kadto kita sa simbahan kada Domingo / tsakto nga bayo / tsakto nga pang-hambal malipay ang Diyos sa aton...
- Peru ang realidad wala naga bag-o - nagapabilin gihapon nga patay sa sala!
- Mangin amay si Abraham sang katawhan sang Diyos - pero indi sa kaliwat ni Ismael...
 - Wala gin kilala sang Diyos si Ismael nga anak ni Abraham - **Genesis 22:2**
 - Ang mga kaliwat ni Ismael indi mga pinili sang Diyos - indi sila mga 'Israelenhon'...
 - Sa matu-od lang wala naambit ang ngalan ni Ismael sa Bag-o nga Katipan!
 - Naga laragway lang nga ang Diyos wala naga kilala sang obra sa unodnon...
 - Ang naga tinguha nga maluwas sa maayong buhat 'unod' - indi sila mga anak sang Diyos...
- o 2nd - Ang gin saad nga anak - amo si Isaac...
 - Sa 100 ka tuig - gin hatag na sang Diyos kay Abraham ang saad nga anak!
 - Si Isaac ang ngalan sang anak ni Abraham (*nag-kadlaw*) – kay si Sarai nag kadlaw - **Genesis 18**
 - Si Abram kabalo nga ka imposeb-le sang Promesa nga matabo...
 - Pero wala niya gin bali ang kaugalingon nga paminsaron - wala siya malinkang...
 - 100 ka tuig na siya – kag nalipasan na siya sang panahon nga mangin amay sang madamo nga anak
 - Si Sarai 90 ka tuig – nag lipas naman ang tion nga mag bun-ag sang bata
 - Kon mag tan-aw sila sa kahimtangan nila ma puno sila sang pag pang duha-duha
 - Si Abraham naga tu-o nga wala sang imposib-le sa Diyos!
 - Naga tu-o gid siya nga ang saad matuman sa gusto sang Diyos nga tion...
 - Ang saad nga mangin Katawhan sang Diyos maabot sa anak sang Saad - Isaac!
 - Kon tanawon naton kag paminsaron - malayo nga mangin pareho kay Jesus...
 - Nabudlayan kita sa sala - kag naga ka tingala kita kon matapos ang gina obra sang Diyos sa aton kabuhi...
 - Ato lang ang naka baton sang saad sang Diyos 'ang naluwas sa espiritu' ang maluwas...
 - Kag ang parti sa saad sang Diyos nga taposon niya kon ano ang na sugdan sa aton kabuhi!

- **Filipos 1:6** - “Nasiguro ko gid nga ang Dios nga nagsugod sa paghimo sang maayo nga mga butang sa inyo magapadayon gid sa paghimo sini hasta sa adlaw nga si Cristo Jesus magbalik...”
- **2ND - DUHA KA KASUGTANAN - DUHA KA SIUDAD... vs. 24-27**
 - o Ining duha ka anak nga Lalaki ni Abraham isa ka parabola...
 - *Allegoreo* - gin gamit diri lang sa bag-o nga Katipan...
 - Ini nga tinaga naga kahulugan nga ang pag badbad/matagaan sang madalum nga kahulugan...
 - Pareho man sa Ideya sang Parabola - isa ka mahapos nga estorya nga ginagamit nga maga tudlo madalum nga kamatuuran...
 - Ang kinalain sang Alegoriya kag Parabola - ang Parabola indi siya matu-od nga estorya...
 - ang Alegoriya naman ba-se sa tu-od nga kasaysayan sa matu-od nga nahanabu...
 - Parabola sang Binhi kag manug Sab-ug (*indi tuod nga estorya*) - ini parte sa pag wali sang Pulong sang Diyos...
 - Si Pablo nag gamit sining matu-od nga estorya sang mga anak ni Abraham (*alegoriya*) para matudlo ang Bugay...
 - Ang pag gamit sang alegoriya nga pag tudlo kinaandan na nga gina tudlo sang simbahan sa sini nga tini-on...
 - Ang masubo sini kay ka dilikado kon amo ni nga klase nga pagpatpat sang Biblia...
 - Ang pag baliwala sang maathag nga kahulugan sang Dinalan - ginapangitaan sang manunudlo sang madalum pa gid nga kahulugan.
 - Ginabiyaan ang mga limitasyon - ang Dinalan sang kasulatan na pabay-an kag ang kahulugan mangin kagustuhan na sang manunudlo...
 - Kag amo ini ang ginatunaan sang madamo nga huwad nga manunudlo - nga gina tudlo sa mga kasimbahanan...
 - Kon pwede man lang mas maayo nga mag tudlo sa dinalan sang Biblia nga indi alegoriya...
 - o Ang Alegoriya sang Kasuguaan ni Moses - Pagkaulipon...
 - Si Hagar naga patuhoy sa bukid Sinai - ang lugar nga ang Diyos nag hatag sang Kasugu-an...
 - Si Ishmael nagatuhoy sa anak sang kasuguan- obra sa unodnon...
 - Ang Siudad sang Jerusalem - nagatuhoy sa Judaismo - nahigot sa kasuguan
 - Ang Judaismo nag palambo sang sistima nga may 613 kasuguan - 365 sini negatibo/ 248 positibo nga kasuguan...
 - Nag bunga sang walay balatyagon / paglas-ay/ pagka-matinaastaason/ may depekto nga tatak sang pagkamatarung...
 - 1st - Mga bag-o nga kasuguan gina kinanglan idugang para sa mga bag-o nga sitwasyon (*mga pilikula / pagpanigarilyo*)
 - 2nd - ang salabton sa Diyos gin islan sang salabton sa tawo...
 - 3rd - ginapagamay ang pag binagbinag sang maayo kag malain...
 - 4th -naga hukom dayon nga espiritu - sa mga tawo nga indi maka sunod sa pag sulundan...
 - 5th - ang Judaismo naga pagumon sang personal nga ideya sa kasugu-an sang Diyos...

- 6th - naga tuga sang wala nagasinalanto - ang mga Judaismo indi makasunod sa ila kaugalingon nga pag sulundan...
- 7th -naga tuga sang sala nga talaksan sang pagkamatarung - kaugalingon nga pagkamatarung...
- 8th - samtang naga tuga sang maayong buhat sa kabuhi sang naga sunod sini...
 - Ang pag tinguha sa pag sunod sa Kasuguan ina paagi sa unod nga kabubut-on - base sa kaugalingon nga pag tinguha - amo na nga ga kapunaw...
 - Isa lang ka umalagi nga pag bag-o sang aton gawi - pero indi maka pabag-o sang tagiposo-on...
 - Indi malayo nga sa ulihi mangin mi-se-rab-le kita- naka gapos gihapon sa pagsulundan nga indi ta man masunod!
- Ang Alegoriya sang maayong Balita sa Bugay - amo ang kahilwayan...
 - Si Isaac natawo sa saad sang Diyos - representar sa Maayong Balita sa Bugay...
 - Sa ibabaw nga Jerusalem- sa Langit - puno sang mga nag sunod sa Bugay!
 - Ang butang nga halin sa Diyos amo lang ang may resulta nagapabilin - **Juan 15:16...**
 - Kon sin-o lang nga may pag tu-o amo lang ang makabaton sang bunayag nga dulot sang kaluwasan...
 - Ang langit puno sang mga nag tu-o sa Maayong Balita sang Bugay...
 - Ato lang ang nag Tu-o sa Diyos ang mag matutum sa saad sang Diyos - nga amo lang ang maka luwas sa aton mga sala!
 - **Isaiah 49:13** -Magkalipay ka, baw-as nga babayi!
Maghugyaw ka sa kalipay, ikaw nga wala pa gid makaagi sing pasakit sa pagbata ...
 - Ang Bugay ayhan indi mag panghikot sang madasig sa aton kabuhi - basi naga hunahuna ka man nga 'lamgod'...
 - Ang rason kon ngaa tungod sa Bugay ni Jesus gina bag-o niya ang sulod - bag-o ang pang guha...
- **3RD - ANG MGA ANAK SANG SAAD - PAGA HINGABUTON... VS. 28-31**
 - Ang mga anak sang unod maga hingabot sa anak sang Espiritu - **Genesis 21:8...**
 - Sang adlaw nga si Isaac na lutas (*mga duha palang siya ka tuig*) si Abraham nag hiwat sang isa ka sinalosalo...
 - Ishmael (*ara sa edad sang 14-16 ka tuig*) – iya utod sa amay – nag yaguta kay Isaac...
 - Bisan nga si Ismael nga magulang kay Isaac – indi siya ang matu-od nga anak sang Saad...
 - Anak siya nga bastardo – si Isaac ang tu-od nga bata ni Abraham kag Sarah...
 - Karon nga natawo na si Isaac – si Ishmael indi na siya importante kag kinanglan!
 - Luwas lang gid kon mag wali sang maayong balita sang bugay - nga mag atubang sang pag hingabot...
 - Kon sino ang napa idalum sa relehiyon/ sa patakaran - indi mangin pareho sa aton nga malipayon upod sa aton...
 - Ga kabuhi kita sa isa ka komunidad kag ang kadamu-an naga tig-a na ila tagiposoon sa maayong balita...
 - Tungod nga namat-an na ang pag tudlo sang mga tradisyon kag mga desparates...

- Kag naga pabugal kag naga hunahuna nga ang ila relehiyon tuman na nga makadala sa ila sa langit...
 - Kon imo sila pagahankaton sang ila nga pag tulo-uhan - ikaw gid maga baton sang ila kasingkal...
- o Palayason ang babayi nga ulipon... vs. 30
- Si Sarah nag pamilit gid kay Abraham nga palayason si(*Hagar*) kag iya anak ...
 - Indi gusto ni Sarah nga yaguta-on sang anak ni Hagar ang anak niya...
 - Ang Diyos nag dampig kay Sarah – kag iya gin hambalan si Abraham nga mag pamati siya sa iya asawa – si ‘Isaac ang binhi’...
 - Ang gina tumod sini nga si Isaac amo ang saad nga Binhi...
 - **Galacia 3:16** – “Karon, nagpromisa ang Dios kay Abraham kag sa iya kaliwat. Wala siya nagsiling kay Abraham, “sa imo mga kaliwat” nga ang buot silingon madamo nga mga tawo, kundi ang siling niya, “sa imo kaliwat” nga ang buot silingon isa lang ka tawo; kag ini wala sing iban kundi si Cristo.”
 - Ang saad nga Manunubos – Jesus – indi mag halin kay Ishmael – kundi kay Isaac...
 - Gani si Isaac ang mag pabilin – kag si Ishmael amo ang maga lakat...
 - Wala sang palanubli-on – nga mag kadto Ishmael...
 - Ayhan ini masakit batyagon – ugaling nagalarawan wala sang maayo sa unodnon nga pamaagi
 - **I Corinto 15:50** - “Mga utod, ang buot ko silingon amo ini: ining aton lawas nga dutan-on indi mahimo nga may bahin sa paghari sang Dios. Kag ining lawas nga madunot indi makapanubli sang kabuhi nga wala sing katapusan...”
 - Wala gid sing maayo nga madangatan ang aton pagtinguha paagi sa kaugalingon nga ikasarang...
 - Sa kamatuuran pareho lang nga wala sang may nahimo - wala sang magpabilin nga madugay sa aton mga panikasog!
 - Kon latagan ka sang relehiyon/ kag pagsulundan sang imo kilala - Itsa ina ang palatukuran pa gwa...
 - Indi pag ebaylo ang imo relasyon kay Jesus sa relehiyon ukon pagsulundan lang sang tawo...
 - Paagi lang sa gahum sang Balaan nga Espiritu – ang maka bag-o sang tagiposoon
 - Si Jesus ang naga bag-o sang aton mga handum agod nga indi kita luyag mag himo sang mala-ot...
 - Sa baylo gusto naton mahamu-ot ang Diyos sa aton!
 - Si Jesus ang makapabag-o sang tuod-tuod sa aton - pag-baylo sang tagiposoon kag bag-o nga kabuhi...
 - Sa pag tulok naton kay Jesus - naga baylo kita sa sulod kag makita sa pang guha nga dagway!